



Universitätsbibliothek Paderborn

**Francisci Toleti S. R. E. Cardinalis Svmma Casvvm
Conscientiæ, Sive De Instrvctione Sacerdotvm Lib. VII**

Toledo, Francisco de

Coloniæ Agrippinæ

84. De simonia, quid sit.

urn:nbn:de:hbz:466:1-40916

corum, qui multis hinc inde se onerant pensionibus; cum, unde vivere possint pro conditione sua, habeant; & quod peius est, nulla adest causa, propter quam, vel vnam possint habere: quibus vix potest persuaderi, ut vel minimam pensionem à se expellant, sed morte coguntur male possessa, & retenta dimittere.

De Simonia, quid sit.

C A P V T LXXXIV.

Inter ea, quae de simonia tractanda occurunt, id primum est quid sit. Videtur autem sic posse describi. Simonia est *studioſa voluntas, contractandi pretio, rem spiritualem*. Sunt in hac definitione quatuor partes.

Prima est, *studioſa voluntas*, id est, actus voluntaris, seu volitio libera & deliberata: non enim peccatum consistit, nisi in voluntate libera, tunc autem volitio libera dicitur, cum in manu hominis est, se cohibere à tali volitione. Hac parte prima vitur S. Thom. 2.2. qu. 100. & alij communiter in definitione simoniae.

Secunda est, *contractandi*. Per contractare, significamus quemcumque contractum, in quo pretium intercedit, siue sit emptio, siue venditio, siue locatio, siue permutatio, siue aliis huiusmodi contractus: simonia enim in tali contractione consistit.

Tertia est, *rem spiritualem*. Contractare rem spiritualem, putat, emere, vendere, locare, permutare, simonia est. Dices, quae res vocatur spiritualis? Dico vniuersaliter, omnem illam rem vocari spiritualem in praesenti, quae à Deo, ut est auctor gratiae, procedit, vel ad Deum, ut est auctor gratiae, ordinatur. Explico, fides docet, Deum esse creatorem & Saluatorem, ea, quae ad creationem pertinent, ut omnes haec res sensibiles, & creature omnes, secundum proprium suum esse, & proprietates, dicuntur pertinere ad Deum, ut est auctor naturae; Ea vero, quae ad Deum pertinent, ut est hominum & Angelorum etiam Saluator, qui creaturam rationalem ad suum finem supernaturalem producit, dicuntur pendere ab ipso, ut est auctor gratiae, & dicuntur res spirituales. Huiusmodi autem sunt in quadruplici differentia.

Quædam dicuntur res spirituales essentialiter, quales sunt

virtu-

virtutes, & dona supernaturalia, quæ vi naturæ non possunt obtinere, ut Fides, Spes, Charitas, gratia, & alia huiusmodi.

Quædam dicuntur spirituales causaliter, quia sunt causæ rerum prædictarum, ut septem sacramenta Ecclesiæ, ad quæ reducuntur alia sacramenta, ut aqua benedicta, Catechismus, Exorcismus, Chrisimatis confessio.

Quædam dicuntur spirituales effectualiter, quia sunt operationes ex aliqua spirituali potestate procedentes, vel operationes ad Deum ordinatæ, ut concionari, cantare in choro, sepelire mortuos, dispensare in voto, matrimonio & alijs excommunicare, & ab excommunicatione absoluere, & alia huiusmodi.

Quædam tandem sunt spirituales res ex annexione, quæ sunt in duplice differentia.

Quædam quæ ad officium spirituale ordinantur, vel ex rituali ordinatione dependent, ut beneficia omnia Ecclesiastica. Ius enim percipiendi fructus annexum est ordini & dignatati spirituale, &c ad diuinum officium ordinatur.

Quædam quæ præparatoria sunt ad spiritualia, ut vestimenta sacra, veste, candelæ benedictæ, campanæ, templæ, & huiusmodi alia. Omnia hæc quatuor sub genere rei spiritualis condundantur, & contractare ista, ad simoniam pertinet.

Quarta pars est, *pretio*: debet enim intercedere premium in simonia; & ubi deest ratio pretij, non est simonia: vnde a tentè considerandum est, quod, quamvis der aliquis pecuniam, nisi detur vel accipiat pro pretio rei spiritualis, simonia non est.

Premium autem hoc communiter solet à doctoribus distingui in tria; & sumpta est dist. i. q. 3. can. Saluator.

Est premium muneris, putà, pecunia, vel res pecunia æquabilis.

Est premium linguae, putà, laus vel vituperium, que aliquid sunt pretia, cum estimantur pecunia; ut, si quis conueniat cum aliquo se daturum beneficium, si ipsum laudet coram alijs, vel inimicum aliquem vituperet, tunc est premium & simonia.

Est etiam premium obsequij, cum quis inferuit alicui in ministerijs temporalibus pro retributione; ut & economus, vel alij huiusmodi ministri. Vbi ergo aliquid horum premium intercedit, & tamquam premium pro spirituali re simonia est. Hinc patet quid sit simonia. Distincta autem est simonia à simone

Mago,

Mago, primo auctore huius peccati in lege Euangelica, cuius fit mentio Actuum 8. qui, ut habetur i. quæst. 3. can. Saluator, voluit emere donum Spiritus sancti, id est virtutem miraculorum, ut idem posset vendere alijs cum lucro. Ab hoc ergo qui rem spiritualem vendere vel emere præsumit, simoniacus dicitur.

Quale peccatum sit simonia.

C A P V T LXXXV.

Simonia ex genere suo mortale peccatum est, contra religionem. Ex tripli capite peccat simoniacus.

Primo, quia vendit quod non est veniale: res enim spiritualis vel minima omnem excedit pecuniam & rem temporalem: unde tali prelio non est venialis.

Secundo, quia vendit quod suum non est; nam i. Corinth. 4. homo dispensator est rerum spiritualium, non dominus; qui ergo vendit rem spiritualem, alienam rem vendit.

Tertio, quia facit contra originem rei spiritualis; gratis enim huiusmodi dona accepit homo, gratis ergo debet dare, non pretio. Est autem simonia prohibita iure diuino & naturali, & canonico. Iure diuino, ex illo Matth. 7. *Gratis accepisti, gratis date.* Act. 8. *pecunia tua tecum sit in perditionem.* Et in veteri testamento prohibita erat, ut pater de illo Giezi, qui lepram contraxit, quia pretium à Naaman exegit 4. Reg. 5. Est etiam iure naturali prohibita; nam quamvis res spiritualis sit supernaturalis, quia tamen est nos venalis, simoniacus contra naturam peccat, cum vendit quod veniale non est. Est etiam prohibita iure Canonico, ut pater i. q. 3. pertotam, & in multis alijs canonibus. Notandum est tamen aliquas esse simonias, que non sunt prohibitæ, nisi iure canonico, quando res non sunt omnino spirituales, vel non est verum pretium, tunc excepta simonia non est, nisi quia prohibita est à Papa. Et hoc modo permittare beneficium beneficio, absque licentia Pontificis effet simonia, quia prohibetur cap. quæstum. de rerum permitta. Rursus i. qu. 3. can. saluator, prohibebatur vendere officium œconomi Ecclesiæ; & effet simonia vendere, non tam ex se, quia illud tempore officium est. Hoc modo, puto, effet simonia, vendere e pensiones sine facultate Papæ, quia consue-

tudo

